



Broj: 01/24-02-172-2/24
Sarajevo, 23.1.2024.godine

Z A P I S N I K

s 8. sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH, održane 23.1.2024. godine.

Sjednica je počela s radom u 14:15 sati.

Sjednicom je predsjedao Sandi Salkić, predsjednik Odbora.

Prisutni na sjednici: Sandi Salkić, predsjednik Odbora, Edin Mušić, Indira Omeragić.
Nijaz Helez, Haris Silajdžić, Bajro Makić i Damir Nikšić, članovi Odbora.

Odsustvo je opravdao: Stanko Musa, Ivo Vincetić, Senad Subašić i Zekerijah Alagić.

Nakon što je pozdravio članove Odbora predsjednik Odbora Sandi Salkić konstatovao je da postoji kvorum za rad, a potom pročitao predloženi dnevni red 8. sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH. Predsjednik Odbora je predložio uvrštavanje u dnevni red Prijedlog Budžeta Federacije Bosne i Hercegovine za 2024.godinu - hitni postupak i Prijedlog Zakona o izvršavanju Budžeta Federacije Bosne i Hercegovine za 2024.godinu – hitni postupak, a što je Odbor jednoglasno podržao.

DNEVNI RED

1. Usvajanje Zapisnika sa 7. sjednice Odbora;
2. Razmatranje organizovanja tematske sjednice Odbora;
3. Prijedlog Budžeta Federacije Bosne i Hercegovine za 2024.godinu - hitni postupak;
4. Prijedlog Zakona o izvršavanju Budžeta Federacije Bosne i Hercegovine za 2024.godinu – hitni postupak;
5. Tekuća pitanja.

Ad-1.

Zapisnik sa 7. sjednice Odbora je jednoglasno usvojen.

Ad-2.

Predsjednik Odbora je predložio organizovanje Tematske sjednice Odbora posvećenoj Strategiji poljoprivrede i ruralnog razvoja Federacije Bosne i Hercegovine za razdoblje 2021.-2027. godine, te Programu novčanih podrški u poljoprivredi i ruralnom razvoju za 2024. godinu, s naglaskom na poticanju domaće proizvodnje. U raspravi aktivno su učestvovali svi članovi Odbora. Rasprava koja je uslijedila istaknula je izuzetnu važnost unapređenja domaće proizvodnje u sektoru poljoprivrede i ruralnog razvoja.

Članovi Odbora su jednoglasno podržali prijedlog predsjednika Odbora o organizaciji tematske sjednice, prepoznajući ključnu ulogu te sjednice u ostvarivanju ciljeva predviđenih Strategijom i Programom. Istaknuto je kako će tematska sjednica Odbora pružiti izvrsnu platformu za dubinsku analizu, temeljito razmatranje ključnih pitanja te identifikaciju konkretnih mjera usmjerenih na poboljšanje poljoprivredne i ruralne politike u Federaciji Bosne i Hercegovine.

Očekuje se da će tematska sjednica biti ključna u procesu razvoja konkretnih inicijativa i preporuka koje će dalje podupirati poticanje domaće proizvodnje, postizanje održivosti u sektoru poljoprivrede te doprinijeti ostvarivanju postavljenih strateških ciljeva. Sve navedene aktivnosti odražavaju posvećenost Odbora unapređenju poljoprivrede i ruralnog razvoja u Federaciji Bosne i Hercegovine.

Ad-3.

Nakon temeljne diskusije u kojoj su aktivno učestvovali svi članovi Odbora, identificirana su ključna pitanja koja se tiču Prijedloga Budžeta Federacije Bosne i Hercegovine za 2024. godinu – hitni postupak. Predsjednik Odbora je predložio važnost ulaganja amandmana na navedeni Prijedlog Budžeta, usredotočujući se posebno na ekonomski kod 6145 - Subvencije privatnim preduzećima i poduzetnicima – Poticaji za poljoprivredu, s ciljem povećanja sredstava za 25.000.000,00 KM.

Svi članovi Odbora su jednoglasno podržali ovaj prijedlog, prepoznajući njegovu ključnu ulogu u jačanju podrške poljoprivrednom sektoru. Dodatna sredstva u iznosu od 25.000.000,00 KM smatraju se nužnim korakom prema unapređenju održivosti i konkurentnosti poljoprivrednih subjekata unutar Federacije Bosne i Hercegovine.

Ova podrška, kako su istaknuli članovi Odbora, imat će pozitivan uticaj na jačanje poljoprivredne proizvodnje, poticanje ekonomske aktivnosti te poboljšanje životnih uvjeta poljoprivrednika i ruralnog stanovništva. Prijedlog amandmana na Prijedlog Budžeta za 2024. godinu odražava ozbiljnost namjere Odbora da podrži ključne sektore u postizanju održivog razvoja, pridonoseći ukupnom prosperitetu Federacije Bosne i Hercegovine.

Ad-4.

Odbor je jednoglasno prihvatio Prijedlog Zakona o izvršavanju Budžeta Federacije BiH za 2024.godinu – hitni postupak.

Ad-5.

O ovoj tački dnevnoga reda Odbor nije raspravljao, pa su inicijative, prijedlozi i informacije koje bi eventualno bile upućene Odboru ostavljene za raspravu na sljedećoj sjednici Odbora.

Sjednica Odbora završila je s radom u 15:30.

PREDSJEDNIK ODBORA

Sandi Salkić s.r.